




Çawa mirov dê şêt hêkên kevin û nû jêk cuda ket?

Hêk xwarineka berbelav û xweş û bimifa ye. Lê eger kevin bibît wek hemî xwarineka dî dişêt zîyanê bigehînite tendrustîya mirovî. Ji ber hindê divîya mirov yê hişyar bît dema hêkan dikirît. Li welatên pêşkeftî li ser pakîten hêka dihête nivîsîn ka heta kij rojê bi kêr xwarinê dihên. Lê li dev me mixabin ew tişt nîne. Hêk jî ne wek fêqî û keskatî ye ku mirov ji xulkê wê bizanît ka ya kevine yan ya nûye. Pa mirov çawa dê zanît ev hêke ya kevine yan ya nû ye? Pîsporên vî warî dibêjin dû rêk hene:

- 1-Hêka kevin ji ya nû siviktir e eger mirov li ber guhê xwe bihejînit şilqênêk ji hêka kevin dihêt. Lê ew deng ji ya nû nahêt.
- 2-10% ji amanekî tijî xwê bike. Paşî tijî av bike û bila ew xwê di wê avê da bihelîyêt. Paşî hêka berde têda. Hêkên nû dê bin av bin lê yên kevn dê bi ser avê kevin.



Çawa rûwek şîn dibin?

Ji bo kû ruwek şîn bibît pêwîstî bi sê tiştan heye hetav, av û ba. Belgên rûwekê hetavê dimêjin û bayê heldikêşin. Rehên wê jî av û mîneralan ji axê dimêjin. Şaneyên belgên rûwekê bi harîkarîya hetavê ji avê û dîoksîdê (dû wemîn oksîda karbonê) corekê şekirê çê diken ku ruwek pê dijît û werarê diket. Di vê kirîyarê da rûwek oksîcînê ji xwe berdidet ku gazeka pêwîste bo hemî zîndeweran.



Dara Kirismisê ji kirê hatiye?

Hemî malên ewrupî li heyva diwazde dareka kajê (siroştî yan çêkirî) dixemlînin û di dane di malên xwe da. Ev dare bi "Dara Kirismisê" yan dara cejna ji dayîkbûnê dihête bi nav kirin. Ev rêweresme jî gelek ji dayîkbûna 'Îsa pêxemberî kevintire û bo cara êkê li Elmanîya hatiye gêran. Hîngê dara kajê ji ber ku hemî salê ya keske, nîşana nemirîyê û xêr û bereketê bû û bi çavekê pîroz lê dihate nêrîn. Piştî hîngê hêdî hêdî ev rêweresme li hemî cîhana kiristîyanî belav bû û dar bo nîşaneka ji dayîkbûna 'Îsa pêxemberî. Evro ne tenê kiristîyan (fele) belkû piranîya cîhanê vê darê bi helkeftên Kirismisê û sersalê li malên xwe dadinin û ev dare ji bilî ku dîmenekê ciwan dibexşîte malan zarok xweşîyeka gelek mezin jê dibînin.



Bo çî befr ya sipî ye?



Befr aveka bestgirtî ye. Em dizanîn ku av ya bê renga. Pa bo çî dema dibîte befr sipî dibît. Her patoreyeka befrê ji gelek kiristalên cemedê pêk dihêt. Her kiristaleka cemedê jî gelek rûvî hene. û ew rûvî ronahîyê berûvajî dikan û ji wê berûvajî kirinê rengê sipî xwîya diket. Tiştê seyr ewe ku hemî kiristalên cemedê di şeşkûjî ne lê hîç kiristalek wekî ya dî nîne.

